



Broj:  
Sarajevo,

Na osnovu člana 47. Zakona o radu ("Službene novine Federacije Bosne i Hercegovine", broj: 26/16, 89/18 i 44/22), člana 10. Odluke o platama i naknadama u organima Grada Sarajeva ("Službene novine Kantona Sarajevo" broj: 4/23), članova 16. i 33. Pravilnika o radnim odnosima državnih službenika i namještenika u organu uprave Grada Sarajeva i stručnim službama Grada Sarajeva broj: 01/04-30-2260/23 od 27.02.2023. godine, i člana 49. Poslovnika Gradskog vijeća Grada Sarajeva ("Službene novine Kantona Sarajevo", broj: 28/09, 11/20 i 19/20), Administrativna komisija Gradskog vijeća Grada Sarajeva, na svojoj 59. sjednici održanoj dana 13.11.2023. godine donijela je:

*Radni materijal*

## **RJEŠENJE**

### **o prekidu korištenja prvog dijela godišnjeg odmora za 2023. godinu**

1. Prekida se korištenje prvog dijela godišnjeg odmora za 2023. godinu **Benjamini Karić**, gradonačelnici Grada Sarajeva, utvrđeno Rješenjem broj: 04-GV-02-966-1.1/23 od 26.06.2023. godine i Rješenjem broj: 04-GV-04-1503-4.1/23 od 12.10.2023. godine, **sa danom 10.11.2023. godine**, zbog odlaska na službeno putovanje.
2. Imenovana će preostalih 7 radnih dana prvog dijela godišnjeg odmora za 2023. godinu koristiti kad se za to steknu uslovi.

## **O b r a z l o ž e n j e**

Pravni osnov za donošenje rješenja sadržan je u članu 47. Zakona o radu ("Službene novine Federacije Bosne i Hercegovine", broj: 26/16, 89/18 i 44/22) u kojem je propisano da uposlenik, za svaku kalendarsku godinu, ima pravo na plaćeni godišnji odmor u trajanju od namanje 20 radnih dana. Članom 10. Odluke o platama i naknadama u organima Grada Sarajeva propisana je nadležnost Administrativne komisije. Godišnji odmor je pravo i obaveza da se iskoristi u toku kalendarske godine. Godišnji odmor može se koristiti u dva dijela, s tim da se prvi dio godišnjeg odmora koristi u trajanju od najmanje 12 radnih dana, a dugi dio najdalje do 30. juna naredne godine. Korištenje godišnjeg odmora može se privremeno prekinuti u slučaju kad je to neophodno radi izvršenja neodložnih službenih poslova.

Gradonačelnici Grada Sarajeva je Rješenjem broj: 04-GV-02-966-1.1/23 od 26.06.2023. godine i Rješenjem broj: 04-GV-04-1503-4.1/23 od 12.10.2023. godine utvrđeno pravo na godišnji odmor za tekuću godinu kao i termin korištenja prvog dijela godišnjeg odmora.

Budući da je za vrijeme korištenja prvog dijela godišnjeg odmora za 2023. godinu imenovana upućena na službeno putovanje, pristupilo se donošenju Rješenja o prekidu prvog dijela godišnjeg odmora za 2023. godinu. Nastavak korištenja prvog dijela godišnjeg odmora za 2023. godinu biće naknadno utvrđen.

Cijeneći sve naprijed navedeno, riješeno je kao u dispozitivu.

### **Pouka o pravnom lijeku:**

Protiv ovog rješenja imenovana ima pravo izjaviti žalbu Komisiji za drugostepeno upravno rješavanje Gradskog vijeća Grada Sarajeva, u roku od 15 dana od dana prijema Rješenja.

**Predsjedavajući Administrativne komisije**

**Jasmin Ademović**

### **Dostaviti:**

- Imenovanoj,
- Gradskoj služba za finansije,
- Personalni dosje;
- Evidenciji.

